

杭州府志卷八十一

人物 一 名臣二

元

葉李字太白杭州人補京學生宋景定間伏闕上書攻賈似道被竄漳州宋亡歸隱富春山至元中召見詢以治道李歷陳古帝王得失成敗之由世祖首肯時各道儒司悉罷李因奏各道儒學提舉及郡教授實風化所係請復立提舉司專提調學官課諸生講明治道而上其成者于太學以備錄用凡儒戶徭役乞一切蠲免可其奏累擢尚書左丞始定至元鈔法又請立太學薦周樞等十人為祭酒

杭州府志

卷八十一

名臣

等官帝皆從之世祖欲徙江南宋宗室大姓于北方李言宋民無故聞徙必將疑懼萬一奸人乘釁而起非國之利事遂寢陞平章政事李固辭許之以疾得請南還卒追封

南陽郡公謚文簡

元史本傳

明

胡正錢塘人洪武八年由御史授陝西按察司經歷十二年陞江西按察司僉事治政嚴明獄無滯滯是年入為刑部郎中十四年陞本部尚書致之日家無餘資惟藏書數

千卷

錢塘縣志

沈縉字尚賢錢塘人洪武乙丑進士授工部屯田主事勤

于庶務以明敏稱後官至兵部左侍郎

錢塘縣志

方賓錢塘人洪武時由太學生試兵部郎中建文中署應天府事坐罪戍廣東以茹瑺薦召復官成祖入京師賓與侍郎劉儁等迎附特見委用進兵部侍郎四年儁以尚書出征黎利賓理部事有幹才應務不滯性警敏能揣上意見知於帝七年進尚書扈從北京兼掌行在吏部事明年從北征與學士胡廣金幼孜楊榮侍郎金純並與機密自後帝北巡賓輒扈從十九年議親征尚書夏原吉吳中呂震與賓共議宜且休兵養民未奏會帝召賓賓言糧餉不足召原吉亦以不給對帝怒遣原吉視糧開平旋召還下

杭州府志

卷八十一 名臣

二

獄賓方提調靈濟官中使進香至語賓以帝怒賓懼自縊

死明史本傳仕有能聲為一時名臣宣德改元官其子何鴻臚

寺丞錢塘縣志

蔣驥字良夫錢塘人弱冠領鄉薦中建文庚辰科進士授行人累官翰林院檢討司直進侍讀侍講學士與脩太祖成祖仁宗實錄及永樂大典等書多所裁定方其在史館時嘗得罪下獄十年乃得釋終禮部侍郎宣德中賜葬賜

金倍常數皆異恩也錢塘縣志

按錢塘縣志作洪武庚辰進士攷登科錄洪武無庚辰乃建文二年也此因前明革去建文年號舊志相沿今

更正

褚讓字克卿仁和人永樂甲申進士授禮部主事歷吏部員外清介持正遇人饋遺輒厲聲曰若謂天下無關西漢子耶凡權貴造請一槩峻絕當事不能平出為山西叅政未幾乞閒卒于家

萬歷舊志

潘中字大本錢塘人永樂甲申進士授楚府伴讀骨鯁負氣不依阿詭隨同列皆敬憚之一官三十年以直齟齬終無變屈既歸家法嚴整閨門之內肅如也

錢塘縣志

沈升字志行海寧人永樂甲申進士選庶吉士預脩五經四書性理大全諸書上以刑罰不清召升等十二人皆授

杭州府志

卷八十一 名臣

三

刑部主事宜德中嘗參贊薊鎮軍務時太監劉通鎮守防邊縱使為惡公私苦之峻刑馭下使不敢言更私造兵器擅調益官軍其志叵測言者咋舌升即密疏其事不報遂極言其不法事皆有據且曰今不預制恐後有不勝之患

宣廟悟召之還賜升金幣尋陞太僕少卿好獎拔士類凡文武才可用者亟以聞後皆不負所舉人服其鑒

海寧舊志

趙新字日新富陽人永樂初由國子生授工部主事擢吏部郎中晉吏部右侍郎巡撫江西綜核吏治使百司無廢務至以漕淮之舟運西江之粟兵農兩利民甚便之官至

吏部尚書

江西通志

徐昂字仲規錢塘人永樂初由舉人授兵部司務陞刑部員外郎昂以廉隅自守有武士謝君者暮夜懷金來饋昂堅却之謝慚退無何昂致仕還過姑蘇病卒貧無以殮謝聞之為具棺家人謂昂介特謝長者清節高義兩無愧云

舊志

吳登錢塘人永樂初以文學薦擢給事中小心緝密受知文廟日侍宸翰退朝不交妻子一言近親至經歲不相接

上益信之終鴻臚寺丞

錢塘縣志

王榮字希仁錢塘人永樂中以乙榜進士授全椒學訓導陞淮府左長史至宣德朝歷官太僕寺卿致仕榮天才快

杭州府志

卷八十一 名臣

四

敏數千言立就有西漢氣骨立朝五十餘年聲實並著

青志

徐琦字良玉先世錢塘人其祖南成寧夏遂家焉幼力學經史永樂十三年舉進士授行人遷兵部職方員外郎明

敏有斷居官務持大體

明史本傳

宣德間黎利倡亂廷臣議撫

之擇庶僚有才望者以行權琦行在右通政持節往諭既至利拜命畢遣人議相見禮琦曰吾奉上命至爾酋盡禮使者即所以尊朝廷爾何庸議利聞即趨拜坐下所餽悉拒不受還過兵部右侍郎未幾上復命琦資勅問黎利往年抗師之罪并定歲貢常例至則利死利子麟蓄疑未服琦宣布朝廷威德曉以禮義示以禍福一國竦聽無不帖

服由是麟感戴上恩乃鑄金人一以代躬謝仍備方物進  
陪臣以進闕廷上大悅宴賚特厚遂命落琦戍籍蓋異數  
也進南京兵部尚書叅贊機務留守南都二十年深沉果  
斷每論大議衆論盈庭徐以一言決之皆悅服卒謚忠襄

錢塘  
縣志

按徐琦祖戍寧夏故琦在陝西中式實錢塘人也孫繼  
魯史稱雲南右衛人前志列之錢塘亦係戍籍仍載忠  
臣門况琦後奉命落戍籍則其復歸錢塘明矣

畢昌字裕後仁和人永樂乙未進士累官考功主事陞郎  
中歷官二十餘年清慎如一素有雅量人未嘗見其疾言

杭州府志

卷八十一 名臣

五

遽色遠近稱爲君子

舊志

夏時字以正錢塘人永樂十六年進士授戶科給事中洪

熙改元議改鈔法時力言其擾無裨國用疏留中鈔果大

阻民多犯禁議竟寢帝思時言命侍皇太子祀孝陵所過  
有災傷輒白太子發粟以賑宣德初一日三上封事稱旨

命署尚寶司兼吏禮兵刑四科身親七篆無留事命敷浚  
湖黃冊陳便宜十四事邳徐濟寧臨清武清旱以時請遣  
官振之尋擢江西按察司僉事遷叅議奏卹民六事多議  
行以大臣薦超擢廣西左布政司前後所上又十餘疏雖  
不盡見用議者壯其敢言年未七十致仕歸卒爲人潔廉

好義親沒廬墓有異徵歿而鄉人祀之名其祠曰孝廉

明史

童真字守正仁和人永樂中拜監察御史巡按四川矢志

忠勤務殫心力不求人知擢山東副使食正三品俸秩滿

待次天官當事者諷求一見真不往托疾偃卧辭官歸識

者高之

四川通志

柴車字叔輿錢塘人永樂二年以舉人授兵部武選司主

事歷員外郎八年帝北征從尚書方賓扈行還遷江西右

叅議坐事左遷兵部郎中出知岳州府復入爲郎中宣德

五年擢兵部侍郎明年山西巡按御史張昺言大同屯田

杭州府志

卷八十一

名臣

六

多爲豪右占據命車往按得田幾二千頃還之軍英宗初

西鄙不靖以車廉幹命協贊甘肅軍務調軍給餉悉得事

宜初朶兒只伯寇涼州副總兵劉廣喪師不以實聞顧飾

功要賞車劾其罪械廣至京賜車金幣旌其直岷州土官

后能冒功得陞賞車奏請加罪能復請命宥之車反覆論

其不可日詐冒如能者實繁有徒臣方次第按覈今宥能

何以戢衆若無功得官則捐軀死敵者何以待之朝廷雖

從能請然嘉車賢遣使勞賜之正統三年以破朶兒只伯

功增俸一級在邊章數十上悉中時病同事多不悅車持

議益堅嘗建言漠北降人朝廷留之京師雖厚爵賞其心

終異如長脫脫木兒者昔隨其長來歸未幾叛去今乃  
來安知他日不再叛宜徙江南離其黨類事下兵部請處  
之河間德州帝報可後降者悉以此令從事稽覈屯田豪  
占者悉清出之得六百餘頃四年進兵部尚書參贊如故  
尋命兼理陝西屯田明年召還命與僉都御史曹翼歲更  
代出鎮及期病甚詔遣大理寺少卿程富代翼而命車歸  
治疾未及行六年六月卒車在江西時以採木入閩經廣  
信廣信守故人也饒蜜一罌發視之乃白金笑曰公不知  
故人矣却不受同事邊塞者多以宴樂為豪舉車惡之遂  
斷酒肉其介特多類此

明史本傳

李約字孟博仁和人永樂甲申進士授兵部職方主事左  
遷交趾通判未幾復職歷九載陞廣東按察司僉事每行  
部審繫囚聽讞精明直枉立判多所平反調山東僉事復  
入為兵部員外郎進郎中兩使朝鮮不抗不隨人謂得使  
命之體時西寇窺邊鄙陞陝西左叅政督餉事竣還朝有  
偽稱校尉求郡邑賂遺者約籍其贓械送入京事連塞北  
邊軍及京營衛士反誣約居職方時受遺容隱約嘆曰自  
弱冠受朝廷厚恩今已斑白何心復與健兒語耶遂投劾

歸

仁和縣志

鄒濟字汝舟餘杭人事母以孝聞博學強記尤長春秋為

餘杭訓導累遷學錄助教以薦知平度州永樂初預修實錄除禮部郎中征安南從幕府司奏記還爲廣東右參政遷庶子授皇孫經濟爲人和易坦夷無貴賤皆樂親之進少詹事常是時宮僚多得罪被譏相繼下獄死濟積憂得疾皇太子書慰曰卿善自攝卽有不諱當提攜卿息不使墜蓬蒿也卒年六十八贈太子少保謚文敏立祠墓側春秋祀之

明史本傳

蔣暉字廷暉仁和人曾祖鑑仕元爲池陽掾民或以饑寒去爲盜主者欲盡寘于法鑑曰迫于饑寒故也力爭不得乃陳于轉運達于朝賴全活者三十二人暉自幼博學以

杭州府志

卷八十一

名臣

八

薦授中書舍人陞禮部郎中兼侍書致仕壽八十卒歷官四十餘年小心勤慎出入禁闈無過可指黃養正姚震有學行以累請成暉爲言于朝薦起用之皆躋顯仕子宏官

吏部郎中

仁和縣志

鄒榦字宗盛濟之子正統進士景帝初由兵部郎中超擢右侍郎以才爲于謙所倚也先入寇九門皆閉百姓避兵者號城下榦開門納之改禮部兼庶子考察山西官吏黜布政使以下五十餘人巡視河南鳳陽水災與王竑請賑又請令諸生輸粟入監讀書納粟入監自此始成化十二年賑畿內饑再遷禮部尚書加太子少保乞休卒謚康靖

明史鄒濟傳

章文臨安人正統壬戌進士歷官至都御史建白甚多陞南京禮部尚書掌太常寺事時景泰初立于謙劉定之輩協謀定策文與有力焉少時曾代隣人手休書會僧夢神告其事卽鬻已田贖所出婦以歸其夫文殆所謂善補過者

臨安縣志

夏時正字季爵仁和人正統十年進士除刑部主事景泰六年以郎中錄囚福建出死罪六十餘人中有減死詔充所在濱海衛軍者時正慮其入海島爲變轉發之山東然後以聞因言凡福建減死囚俱宜戍之北方法司是其言

杭州府志

卷八十一

名臣

九

而請治違詔罪帝特宥之時正又言通番及劫盜諸獄以待會讞淹引時月囚多瘐死請令所司斷決詔從之且推行之天下天順初擢大理寺丞久之以便養遷南京大理少卿成化五年遷本寺卿明年春命巡視江西災傷除無名稅十餘萬石汰諸司冗役數萬奏罷不職吏二百餘人增築南昌濱江堤及豐城諸縣陂岸民賴其利嘗上奏不具齋奏人姓名史料論其簡恣帝宥其罪錄彈章示之遂乞休歸僦居民舍布政使張瓚爲築西湖書院居之家食三十年近九十而卒時正雅好學閒居久多所著述于稽

古禮文事尤詳

明史本傳

倪謙字克讓錢塘人正統四年中進士第三人授編修景泰間備顧問多所啟沃天順初遷學士侍憲廟于春官己卯主順天試不錄柄臣子被誣搆謫戍宣府者七年宣德初復職尋與子岳同日奉命入史局修英廟實錄進禮部侍郎轉南京禮部尚書卒贈太子少保謚文僖

錢塘縣志

姚哲字文明海寧人正統乙丑進士官監察御史出按湖湘大僚有不職者彈治不少貸時稱名御史卒以直取忌

左遷

海寧縣志

陳嘉猷字世用贛子餘姚人因父任遷家于杭景泰辛未進士授禮科給事中轉刑科兩使外夷堅辭不屈清風峻

杭州府志

卷八十一 名臣

十

節夷酋皆敬仰之陞通政使右通政居父喪極盡誠孝遂

卒

錢塘縣志

江玘字用良仁和人景泰辛未進士授禮科給事中嘗以六事疏陳悉關君德民務已而諫罷僧牒濫行疏救按察使陳璇冤又劾奏石亨怙寵罔上直聲赫然時李賢柄事衆爭趨其門獨玘不可曰吾爲諫臣可媚時宰以自託耶居諫垣十年出爲山東叅議又九載遷叅政未幾乞休以

子澗貴贈大中大夫

浙江通志

何琮字文璧仁和人景泰甲戌進士授禮科給事中正色敢言多所封駁成化中進左通政掌司事承規矩廢弛之

後泄之以嚴宿弊頓革陞兵部左侍郎

兩浙名賢錄

金紳字縉卿錢塘人洪武初以閩右實京師遂家金陵之上元景泰癸酉中應天鄉試明年登進士第由庶常轉刑科給事中英廟復辟紳數召對憲宗嗣位進都給事中首率同列論都指揮門達竊弄威柄又言都御史王竑剛毅直諒可任大事宜卽召用悉納其言達遠謫起竑兵部尚書紳陞南京大理少卿剖決無滯雖老吏不能過嘗曰獄者人命所繫捶楚之下何求不得彼不能伸于法司而求伸于我我又不爲之理何用廷評爲故凡經紳平允者咸無異詞在大理九年如一日秩滿陞南京刑部右侍郎月

杭州府志

卷八十一 名臣

十一

躬視獄者再戒飭其屬俾無法外施刑審錄重囚必對衆言某可矜某可疑得生者甚衆戊戌江西荒上特簡紳往視許便宜行事紳蒞部督責其屬勸興廢以賑江西十三郡之民賴紳以活未幾得疾卒

錢塘縣志

項麒字文祥仁和人景泰七年由舉人授南京吏部司務歷南京刑吏郎中憲宗登極詔求直言麒陳五事一日務正學二曰納諫諍三曰崇節義四曰遠近習五曰弭天變其崇節義指李賢王翱當曹吉祥之變不能死義甘心屈賤以圖苟免不知節義廉恥爲何物宜顯正典刑以訓在位其遠近習指王振曹吉祥事以爲近戒宜收攬威福不

使任事語甚切直以病乞致仕家居三十年絕跡公府  
貧屢空以無疾終後巡按御史唐鳳儀以麒與王公琦  
公遂良同里表其里曰忠清附祀褚廟學使孔天引等別  
建揚清祠專祀麒琦舊志

凌鎬字叔京新城人天順庚辰進士授南京刑部主事丁  
外艱改禮部在任五載不調或以進取說之鎬曰任郎署  
患勿稱敢他望耶性質直恥佞諛事或未善雖尊者前懇  
懇勿避以此多不合至其臨下未常以惡聲加也居官廉  
靖卒之日囊無遺資舊志

倪岳字舜咨謙之子錢塘人天順甲申進士選庶吉士授

編修進侍讀直講經筵因文納盡憲宗每屬目焉舊志父謙

奉命祀北岳母夢緋衣神入室生岳遂以為名岳好學文

章敏捷博綜經世之務尚書耿裕方正持大體至禮文制

度率待岳而決六年裕改吏部岳遂代為尚書詔召國師

領占竹於四川岳力諫帝不從給事中夏昂御史張禎等

相繼爭之事竟寢時營造諸王府規制宏麗踰永樂宣德

之舊岳請頒成式又以四方所報災異禮部於歲終類奏

率為具文乃詳次其月日博引經史徵應勸帝勤講學開

言路寬賦役慎刑罰黜奸貪進忠直汰冗員停齋醮省營

造止濫賞帝頗採納焉九年南京吏部缺加岳太子太

往任之尋改岳南京兵部參贊機務還代屠瀟爲吏部尚書嚴絕請托不徇名譽銓政稱平岳狀貌魁岸風采嚴峻善斷大事每盈廷聚議決以片言聞者悅服同列中最推遜馬文升然論事未嘗苟同前後陳請百餘事軍國弊政剔抉無遺疏出人多傳錄之論西北用兵害尤切其畧云近歲毛里孩阿羅忽孛羅出亂加思蘭大爲邊患蓋緣河套之中水草甘肥易于屯牧故賊頻據彼地擁衆入掠諸將怯懦率嬰城自守苟或遇敵輒至挫衄旣莫敢折其前鋒又不能邀其歸路敵進獲重利退無後憂致兵烽不靖邊患靡寧命將徂征四年三舉絕無寸功或高卧而歸或

安行以返析圭擔爵優游朝行輦帛輿金充物私室且軍懸一動輒報捷音賜予濫施官秩輕授甚至妄殺平民謬稱首級敵未敗北輒以奔遁爲辭功賞所加非私家子弟卽權門厮養而什伍之卒轉餉之民則委骨荒城膏血野草天怒人怨禍幾日深非細故也京營素號冗怯留鎮京師猶恐未壯根本顧乃輕于出禦用義夫威臨陣輒奔反竦邊軍之功爲敵人所侮且延緩邊也去京師遠宣府大同亦邊也去京師近彼有門庭之喻此無陛楯之嚴可乎頃兵部建議令宣府出兵五千大同出兵一萬併力以援延緩而不慮其相去旣遠往返不逮人心苦于轉移馬力

疲于奔軼夫聲東擊西者賊寇之奸態也擣虛批亢者兵家之長策也精銳旣盡乎西老弱乃留于北萬一北或有警而西未可離首尾衝決遠近坐困其可爲得計哉至於延綏士馬屯集糧糗不貲乃以山西河南之民任飛芻轉粟之役徒步千里夫運而妻供父輓而子荷道路愁怨并落空虛幸而得至芻百錢斗粟倍值不幸遇賊身且斃矣他尚何云輸將不足則有輕齎輕齎不足又有預徵水旱不可先知豐歉未能逆卜徵如何其可預也又令民輸芻粟補官而媚權貴私親故者或出空牒以授倉庾無升合之入至若輸粟給鹽則豪右請託率占虛名鬻之而商

賈費且倍蓰官爵日輕鹽法日沮而邊儲之不充如故也又朝廷出帑藏給邊歲爲銀數十萬山西河南輸輕齎于邊者歲不下數十萬銀日積而多則銀益賤粟日散而少則粟益貴而不知者遂于養兵之中寓養狙之術或以茶鹽或以銀布名爲準折糧價實則侵尅軍需故朝廷有糜廩之虞軍士無果腹之樂至兵馬所經例須應付居平人日米一升馬日芻一束追逐一日之間或一二堡或三四城豈能俱給哉而典守者巧爲竊攘之謀凡所經歷悉有開支罔上行私莫此爲甚及訪禦敵之策則又論議紛紜有謂復受降之故險守東勝之舊城使聲援交接犄角易

制夫欲復城河北卽須塞外屯兵出孤遠之軍涉荒漠之地輜重爲累饋餉惟艱彼或抄掠于前躡襲于後曠日持久軍食乏絕進不得城退不得歸一敗而聲威大損矣又有謂統十萬之衆褻半月之糧奮揚武威掃蕩窟穴使河套一空事非不善也然帝王之兵以全取勝孫吳之法以逸待勞今欲鼓勇前行窮搜遠擊乘危履險覲萬一之倖贏糧遠隨則重不及事提兵深入則孤不可援且其間地方千里無城郭之居委積之守彼或往來遷徙罷我馳驅我則情見勢屈爲敵所困旣失坐勝之機必蹈覆沒之轍其最無策者又欲棄延綏勿守使兵民息肩不知一民尺

土皆受之祖宗不可忽也向失東勝故今日之害萃于延綏而關陝震動今棄延綏則他日之害鍾于關陝而京師震動賊愈近而禍愈大矣因陳重將權增城堡廣斥堠募民壯去客兵明賞罰嚴開謀實屯田復邊漕數事時兵部方主用兵不能盡用也卒贈少保謚文毅明世父子官翰

林俱謚文自岳始

明史本傳

按明史岳上元人蓋岳之寄籍也省志選舉門岳父謙正統己未科施槃榜進士第三人錢塘人岳天順甲申

科彭教榜進士錢塘人

江瀾字文淵仁和人成化戊戌進士選庶吉士歷陞學士

王德初陞詹事府少詹事晉吏部右侍郎守官勤慎嚴筭  
鍵不通尺書著銓曹日錄以自檢雅不善逆瑾改南京禮  
部尚書歷任三十餘年不治產業曰吾不欲以是上負先  
德下累子孫也卒贈太子少保謚文昭

浙江通志

李晏字子陽錢塘人成化庚子鄉試第一甲辰廷試第一  
授翰林修撰歷兩京國子祭酒明習典禮振舉師模仕至  
南京吏部侍郎晏貳南太常時值孝陵水災遣朱輔代祭  
幾紊儀等晏特疏于朝遂定兩京遣祭之儀

墓誌

俞琳字德彰臨安人成化丁未進士授監察御史按行畿  
輔發奸擿伏貪橫斂迹正德戊辰陞禮部右侍郎改工部

杭州府志

卷八十一 名臣

十六

畿輔諸郡饑盜且起上命兼右僉都御史往賑飭武備廣  
儲積未旬月諸郡安堵保定有張義官者潛結羣盜爲奸  
琳捕殺之盜遂息召陞工部尚書加太子少保致仕卒祀

鄉賢祠

兩浙名賢錄

陳珂字希白錢塘人宏治庚戌進士授刑部主事累官右  
副都御史巡撫河南適流賊餘黨孫郁等爲民梗首命兵  
勦平之仍命有司收瘞餘骸勒石表男女死節者又申寬  
獄知縣袁鑑等五十餘員俱奏請得未減新野當荆襄之  
衝內官私置抽分廠漁獵民糧守巡官毀之正德十年入  
爲大理卿致仕

人物考

胡世寧字永清仁和人宏治六年進士性剛直不畏強禦  
且知兵除德安推官岐王初就藩從官驕世寧裁之他日  
復請湖田持不可遷南京刑部主事應詔陳邊備十策復  
上書極言時政闕失時孝宗已不豫猶領之再遷郎中與  
李承勛魏校余祐善時稱南都四君子遷廣西太平知府  
土酋德世寧歸所侵地母喪歸服闋赴京道滄州流寇攻  
城急世寧卽馳入城畫防守計賊攻七日夜不能拔引去  
再知寶慶府岷王及鎮守中官王潤皆嚴憚之遷江西副  
使與都御史俞諫畫策禽盜討平王浩八以暇城廣昌南  
豐新城當是時寧王宸濠驕橫有異志莫敢言世寧憤甚

正德九年三月上疏宸濠聞大怒列世寧罪徧賂權幸必  
殺世寧章下都察院右都御史李士實宸濠黨也與左都  
御史石玠等上言世寧狂率當治命未下宸濠奏復至指  
世寧爲妖言乃命錦衣官校逮捕世寧世寧已遷福建按  
察使取道還里宸濠遂誣世寧逃馳使令浙江巡按潘鵬  
執送江西鵬盡繫世寧家人索之急李承勛爲按察使保  
護之世寧乃亡命抵京師自投錦衣獄獄中三上書言宸  
濠逆狀卒不省繫歲餘乃謫戍瀋陽居四年宸濠果反世  
寧起戍中爲湖廣按察使尋擢右僉都御史巡撫四川道  
嵩世宗卽位疏以司馬光仁明武三言進因薦魏校何瑋